

欽定中樞政考

欽定中樞政考目錄卷之五

八旗

奏派 兼攝附

奏請佩帶印鑰等事應行開列人名全行開  
列

都統出差奏請署理

副都統出差奏請署理

前鋒統領護軍統領出差分別奏署

奏派值年旗大臣

奏派查閱

午門以外地面大臣

奏派隨

駕大臣

奏派隨圍大臣

迴避署理本旗印鑰

奏派稽察新舊營房大臣

管理營房大臣員缺署理

駐防副都統署理將軍印務

京口寧古塔三姓副都統公出委員署印

暫行代管印信毋庸具題

都統等官補授文職毋庸奏請應否兼攝

都統不兼散秩大臣

副都統兼管鐵匠局

叅領等官兼管俸餉房

協領不准兼管本旗佐領

佐領不兼步軍校

佐領不兼散騎郎

密雲副都統兼管古北口官兵

稽察駐防官兵

稽察寶坻等九處奏派二員分管

奏請佩帶印鑰等事應行開列人名全行開  
列

嘉慶十一年七月內奉

旨哈迪爾等奏伊等隨朕啟鑾後粘竿處關防印鑰無  
人佩帶繕寫領侍衛內大臣散秩大臣等名單進呈  
請欽派一員等語朕啟鑾後粘竿處關防印鑰著貝  
子奕紹佩帶但哈迪爾等並未將應行開列人名全  
行繕寫進呈殊屬非是各處遇有奏請佩帶印鑰事  
件若該處尚有留京當差人員該處儘可將所餘數

人開列呈覽如果該處人員俱經出派扈從並無留  
京之人自應將應行佩帶人名全行繕單進呈候朕  
簡派卽或因應行開列人員較多不進名簽繕寫名  
單進呈亦無不可昨日上駟院武備院奏請佩帶各  
處印鑰時未將應行佩帶人名全行開列而本日粘  
竿處僅將領侍衛內大臣散秩大臣內繕寫五人名  
單進呈其餘未經出派扈從應行開列之領侍衛內  
大臣滿洲尙書侍郎都統副都統散秩大臣等人名  
全行遺漏並未列入顯係任意擇其素與伊等熟識

相好者開列甚屬不曉事體哈訥爾勒哲依圖等  
申飭外所有管理上駟院武備院大臣等亦著申飭  
將此通行各處嗣後遇有佩帶印鑰等事須將應行  
開列人名全行開列呈覽候朕旨派斷不可加此任  
意選擇數人圖單進呈欽此

嘉慶十一年七月內奉

旨本日綿恩等奏因奏派佩帶武備院上駟院印鑰處  
印鑰摺內未將應行佩帶人名通行開列接奉申飭  
諭旨各奏請議處等語此皆係拘泥舊例具奏尙非



有心如此辦理綿恩丹巴多爾濟哈迪爾鄂勒哲索  
圖慶惠伊昌阿常貴俱著加恩從寬免其議處至從  
前太常寺鴻臚寺揀選贊禮郎鳴贊禮儀衛揀選整  
儀尉奏請出派大臣時亦有未將應行出派人名通  
行開列者均於體制未協嗣後奏派佩帶各處印鈐  
及太常寺鴻臚寺揀選贊禮郎鳴贊禮儀衛揀選整  
儀尉時務須將應行出派人員通行開列進呈不得  
仍前任意僅擇其熟識者數員開列進呈違者治罪  
決不輕貸欽此

都統出差奏請署理

都統奉差在半月以內者如本旗現有副都統卽令副都統署理在半月以外者兵部奏請派員署理如一旗都統副都統俱經奉差雖在半月以內兵部仍行奏請派員署理其半月內外日期奉差之都統於起身前報明兵部

副都統出差奏請署理

乾隆二十一年十月內奉

上諭向來奉差都統印信雖有署理之條而副都統奉差其員缺如何署理之處並無成例辦理殊未盡一卽如一旗副都統二員俱經奉差本旗僅餘一人承辦一旗事務勢必不能周遍其副都統員缺理應派員署理嗣後八旗內一旗副都統二員若俱經奉差該部將一旗三員俱行存京之副都統職名併保舉副都統人員職名開單請旨署理此係專指一旗大

臣三員內有二員俱奉遠差不得遽行回京者而言  
若係隨圍及奉差在一二月之內即可回京者均非  
遠差其副都統員缺毋庸奏請署理將此永著爲例

欽此

前鋒統領護軍統領出差分別奏署

嘉慶十九年四月內奉

上諭本日兵部奏護軍統領敬徵入場彈壓請簡員署  
理已諭令毋庸派署矣向來兵部凡遇前鋒統領護  
軍統領偶派數日差使卽請派員署缺所派之員接  
署一二日旋即交替殊涉紛繁嗣後前鋒統領護軍  
統領凡出差在半月以上者該部仍照例奏署其在  
半月以內者兩翼前鋒統領有一人出差其印鑰著  
互相兼署入旗護軍統領遇有出差之缺著按照旗

分次序將印鑰交其次之員兼署著爲令欽此

一前鋒統領護軍統領遇有奉派差使在半月以外者兵部將前鋒統領護軍統領入旗滿洲蒙古漢軍副都統職名繕寫綠頭牌進

呈恭候

欽點署理奉差在半月以內者毋庸奏署如係前鋒統領印鑰互相兼署護軍統領按照旗分次序將印鑰交其次之員兼署其半月內外日期由差之前鋒統領護軍統領於奉派後卽

報明兵部

奏派值年旗大臣

奏派值年旗大臣兵部將八旗都統副都統等職名全行開列繕寫綠頭牌進

呈恭候

欽點數員管理如遇調補外省以及奉差等事出有員缺由值年旗開列職名隨時奏明請

旨派員管理



奏派查閱

午門以外地面大臣

一

午門至

大清門每年由前鋒統領護軍統領將應派前鋒

護軍各統領職名開列奏請

欽點一員專司查閱如有應行大修者照例知會工

部修理若係稍爲修葺該查閱之統領會同

內務府值年大臣酌量修理一年期滿奏請

更換

奏派隨

駕大臣

一凡遇

聖駕恭謁

東陵

西陵應行隨往之都統副都統內除王宗室公領侍衛  
內大臣散秩大臣

御前

乾清門行走大臣侍衛總管內務府大臣前鋒統

欽定四庫全書  
卷三  
領護軍統領並內閣各部院衙門文職兼管  
者均由各該處自行奏派外兵部將並無兼  
任之都統副都統職名進

呈恭候

欽派

奏派隨園大臣

一凡

聖駕巡幸所有隨往八旗大臣由值年旗奏派將八旗都統副都統職名併聲明兼任內會否派出之處繕寫清單進

呈恭候

欽點隨往

迴避署理本旗印鑰

一凡遇

聖駕謁

陵並

巡幸各處隨往之都統前鋒統領護軍統領印鑰副

都統事務由兵部開列奏請

欽派大臣署理若奉

派出之王大臣內有本旗人署理本旗印鑰事務者

兵部卽於

派出之王大臣內將毋庸迴避之員挨次對調署理  
至都統前鋒統領護軍統領副都統凡遇一  
二員出差例應奏請署理者兵部於開列時  
將本旗人員查明扣除毋庸開列

奏派稽察新舊營房大臣

一城外舊營房每旗派滿洲蒙古大臣各一員  
稽察新營房每旗派滿洲蒙古漢軍大臣各  
一員稽察其管理舊營房滿洲大臣缺出將  
該旗滿洲都統副都統職名開列蒙古大臣  
缺出將該旗蒙古都統副都統職名開列管  
理新營房大臣缺出將該旗滿洲蒙古漢軍  
都統副都統職名開列均由值年旗繕寫緣  
頭牌具奏恭候



欽點管理該管營房大臣將一年內有無爲匪旗人  
之處於歲底奏

聞

管理營房大臣員缺署理

一管理舊營房新營房大臣內遇有出差并隨駕行圍員缺卽令該旗掌印大臣暫行署理毋庸奏請

欽派俟原派大臣回京後仍令管理

駐防副都統署理將軍印務

乾隆二十二年五月內奉

上諭各省將軍等遇有陞遷調補及緣事離任其本城副都統內有在任年深者卽令署理將軍印務如到任年分相同無可區別者仍著諭翼署理將此永著爲例欽此

京口寧古塔三姓副都統公出委員署印

一京口副都統遇有公出事故其印務令江寧副都統前往署理

一吉林所屬各副都統內寧古塔副都統三姓副都統員缺緊要遇有進京等事該將軍將事簡之副都統派出一員前往署理其餘各副都統公出仍照例令本處協領署理

暫行代管印信毋庸具題

嘉慶五年三月內奉

上諭荊州將軍弘豐副都統海興阿題報接印日期各一本殊可不必向來督撫因公離省爲時稍久者具題交代若帶印公出未離本省卽無交代印篆之事今弘豐惟帶兵協剿尙在湖北境內卽帶印前往未爲不可且旣奏明將印信交與海興阿代管亦何必復行具題實屬重複嗣後有似此代管印信爲時不久業經奏明者均毋庸具題以歸簡易著爲令欽此

副都統兼管鐵匠局

一兩翼鐵匠局事務每翼派副都統一員兼管  
如遇出差隨圍事故卽令隨同辦事官員暫  
管不必奏請署理

叅領等官兼管俸餉房

一八旗俸餉房叅領每旗一員章京每旗二員  
驍騎校每叅領下一員由該旗大臣於本旗  
現任各官內派委兼管

協領不准兼管本旗佐領

乾隆四十三年五月內奉

上諭據福州將軍永德等奏稱協領兼管佐領者請照京師叅領不得管轄本甲喇另調別甲喇之例調翼兼管等語永德等此奏是外省協領若兼管本旗佐領是伊所辦事務仍係伊自行主掌完結雖有不合無人更正若令各翼各旗更調兼管遇有不合之處經協領指駁更正多一層稽察於公事大有裨益著照所請行仍通行各省駐防嗣後協領兼管佐領務



須各翼各旗更調不得兼管本旗佐領再京師八旗  
叅領內有管本甲喇佐領者亦應更調著交八旗將  
現管本甲喇者卽行調補別甲喇著永遠爲例欽此

佐領不兼步軍校

一凡佐領不兼步軍校行走如步軍校補授佐領者步軍校員缺另行揀選帶領引

見補授

稽察駐防官兵

一喜峯口冷口羅文峪永平府四處駐防官兵  
交山海關副都統稽察管轄內喜峯口冷口  
羅文峪三處官兵事關防護風水稽察勤惰  
仍聽

陟寢總管稽察管轄德州駐防官兵交青州副都統稽  
察管轄莊浪駐防官兵交涼州副都統稽察  
管轄河南駐防官兵交河南巡撫稽察管轄  
太原駐防官兵交山西巡撫稽察管轄張家

口獨石口千家店駐防官兵交察哈爾都統  
稽察管轄三河縣玉田縣順義縣古北口昌  
平州駐防官兵交密雲副都統稽察管轄其  
寶坻縣滄州東安縣采育里四處爲左翼保  
定府固安縣雄縣良鄉縣霸州五處爲右翼  
俱由京城派護軍統領或副都統每翼各一  
員令其巡查稽察其派護軍統領副都統之  
處由兵部開列職名具奏恭候

欽點三年一次令其前往將各處駐防官兵稽察閱

看騎射優者獎勵劣者責懲務令各加勸學  
技藝安靜守分不許在地方生事其官員優  
劣亦令分別具奏此項派出之護軍統領副  
都統前往稽察之時給與官馬行糧

稽察寶坻等九處奏派二員分管

嘉慶七年四月內奉

旨從前巡查寶坻等九處駐防惟派一人但地方較多  
一人巡查未免久需時日亦不能周到現在積拉堪  
補授將軍所遺員缺著派富尼善廣泰管理嗣後卽  
爲二缺仍著該部將寶坻縣保定府滄州霸州良鄉  
縣雄縣固安縣東安縣采育里等九處分爲左右兩  
翼臨期聽派二員分管巡查欽此

欽定中樞政考目錄卷之五

八旗

封廕

額駙之子授以品級

按品封贈

官員請給封典定限

官員馳封彙報查核具題

丁憂官員准給封典

終養官員准給封典

封贈通例

封典准贍

旗員廢監

各處駐防廢生准其在本處行走



額駙之子授以品級

乾隆四十年正月內奉

諭旨主額駙等俱按公主品級授爲固倫額駙和碩額駙惟公主所生之子向未定有給與品級之例其下姓蒙古王公之公主等所生之子本各有應得品級毋庸另辦外但在京公主所生之子若不授以品級於體制未協嗣後在京公主所生之子年至十三歲時如係固倫公主所生卽給予伊父固倫額駙品級和碩公主所生卽給予伊父和碩額駙品級現在

豐仲濟倫年已及十三卽著給予伊父福隆安和碩  
額駙品級著爲令欽此

按品封贈

一武職官員恭遇

恩詔一品至五品給與

誥命六品以下給與

勅命

一公侯伯封建威將軍

公妻封公妻一品

夫人

侯妻封侯妻一品夫人

伯

妻封伯妻一品夫人

仍分別一等二等三等

正一品封建威將軍

妻封一品夫人

從一品封振威將軍

妻封一品夫人

以上封贈三代

誥命四軸

正二品封武顯將軍

妻封夫人

從二品封武功將軍

妻封夫人

正三品封武義都尉

妻封淑人

從三品封武翼都尉

妻封淑人

以上封贈二代

誥命三軸

正四品封昭武都尉

妻封恭人

從四品封宣武都尉

妻封恭人

正五品封武德騎尉

妻封宜人

從五品封武德佐騎尉

妻封宜人

以上封贈一代

誥命二軸

正六品封武略騎尉

妻封安人

從六品封武略佐騎尉

妻封安人

正七品封武信騎尉

妻封孺人

從七品封武信佐騎尉

妻封孀人

以上封贈一代

勅命二軸

正八品封奮武校尉

從八品封奮武佐校尉

正九品封修武校尉

從九品封修武佐校尉

以上止封本身

勅命一軸

官員請給封典定限

乾隆三十一年六月內奉

上諭兵部題武職人員請給封贈一本乃乾隆二十六年十一月內所奉恩詔何以稽遲至今方行請領國家覃恩推仁中外俾人子均霑慶澤榮及其親伊等志切顯揚自應及時祇領卽所經各衙門加結轉申不嫌考核詳慎但任意延緩遲越多年不爲定以限期於體制殊未允協再從前見各省題旌節孝每援遠年恩詔爲詞曾降旨令各督撫採訪屬實卽隨時

請旌不必沿襲具文若封贈誥勅則更非尋常旌表  
者可比必遇朝廷有大慶典始舉行一次伊等旣得  
躬逢盛事自當思早被恩榮乃竟觀望逾時並不卽  
爲請領揆之情理不應出此亦豈所以欽承錫類之  
典乎所有此次應給封贈人員著該部卽行趕辦至  
嗣後凡遇覃恩應定以二年爲限全行辦給不得仍  
前怠緩其過期不呈請者卽毋庸頒給將此通諭吏  
兵二部及內外各衙門知之欽此



官員貤封彙報查核具題

嘉慶元年二月內奉

上諭刑部衙門因司員等懇請貤封據情代奏一摺向來遇有覃恩大小官員原准貤封但所請貤封之人如係伯叔兄長外祖等尊屬身受撫卹恩慈例得推恩者自應准給封典若係疎遠戚屬如親亦輟轉懇請貤封與例不合者豈可漫無限制其應准應駁部中自可循照定例分別核辦又何必由各衙門紛紛自行竇奏耶嗣後內外大小官員懇請貤封者俱著

彙報吏部查核所請情節分別准駁彙題以省繁實  
而昭限制其有情節委曲不同者該部聲明另奏若  
有私弊許科道封奏所有本日刑部衙門奏請題封  
一摺卽照此辦理欽此

丁憂官員准給封典

雍正十三年十月內奉

上諭朕登極恩詔內凡內外滿漢官員自一品以至九品均予封贈所以錫類敷恩遂臣子顯揚之願勵移孝作忠之風也查舊例丁憂人員不得均邀封典朕思丁憂之員乃恪遵朝廷定制自盡其爲子之情與廢斥在家告假回籍者不同況在任守制者俱得一體沾恩而丁憂之員反不邀恩以榮顯其親情旣可憫而理亦未協著該部查明伊等原官品級一併給

與封典以成孝思欽此

終養官員准給封典

雍正十三年十二月內奉

諭凡官員丁憂守制者遇有恩詔例不准封典前已  
旨加恩給與封典其養親回籍之員有因父母年  
老棄官歸養幸遇親存適逢曠典而亦格於成例不  
得請封情屬可憫著將回籍終養人員照伊等原官  
品級一併給與封典遂其孝思欽此

封贈通例

一請封各官職銜加級俱以

詔下之日爲定給與封典官員遇

覃恩每任中止封贈一次除前

詔未經受封者照現在品級具題封贈外如遇前

詔已經封過後改任者照改任封贈調任者照調任

封贈陞職者照陞職封贈旗員京官加級者

俱照新加之級給與封典加級多者仍限以

制八品以下不得踰七品七品不得踰五品

五六品不得踰四品三四品不得踰二品其  
前

詔已照現任品級封過今雖加級不曾換職任頂帶  
止准補請本身妻室封典滿洲蒙古漢軍旗  
員陞轉在

品前者不分已未到任俱准封贈若受封未領  
誥軸又遇

恩詔請改新任職銜者不必具題揭送內閣改給已  
領者繳還原軸亦准改給凡年歲未滿不上

朝官員不封患病候補等官不在現任者不封其  
休致官員食全俸半俸者俱准封不食俸者  
不封若在任遇

恩詔後經病故或致仕雖不食俸者俱照原官封贈  
祖父父因子孫封贈若子孫職大祖父職小  
者各照子孫官階封贈至祖父職大于孫職  
小者不准照祖父原官封贈凡父現任者不  
封已致仕及已故者准封贈有願棄職就封  
者聽父母有兩子當封者從其品大者封婦



人因子封贈而夫與子俱有官當封者亦從其品大者封命婦因子孫品級受封並加太字若已故及曾祖祖父父在者不加凡封贈母者嫡母繼母所生母一體並封應封妻室者止封正妻一人正妻未封而故應封繼妻者正妻亦追贈繼妻止封一人凡已經題封各官有將姓名履歷遺漏錯誤親身檢舉求添改者准其揭送內閣撰給若

詔後緣事革職及軍政降調者俱不給與

誥

勅還職者仍具題補給凡曾祖父母祖父母父母曾  
犯十惡姦盜除名等罪及曾經考察并緣賊  
私革職者俱不得封因公誑誤者仍許封贈  
其妻非禮聘正室或再醮及婢妾亦俱不得  
封

一軍營武職各員應請封典以凱旋回營之日  
爲始准其展限一年照

恩詔以前原品補給

欽定中樞政考

卷五

封贈

四

封典准貤

一二三品官員有願將本身妻室封典貤封曾祖父母四品至七品官員願將本身妻室封典貤封祖父母者俱准貤封八品九品官員止封本身不封妻室願將本身封典貤封父母者准其父母並封八品者母封八品孺人九品者母封九品孺人

一內外大小官員凡爲人後者已封過繼曾祖父母祖父母父母有願將本身妻室封典貤

封本生曾祖父母祖父母父母者亦准其  
封

一內外大小官員有身受伯叔祖父母伯叔父  
母庶母兄嫂外祖父母撫育恩慈願將本身  
妻室封典貤封者亦准給與封典其餘疎遠  
戚屬姻親一概不准貤封

旗員廕監

一旗員廕監必以嫡長子如無嫡長子或雖有而患病殘廢及有別項職事則廕嫡長孫如無嫡長孫則廕次子及次孫如無次子次孫則廕親兄弟及親兄弟子孫如無親兄弟及親兄弟子孫則廕伯叔所生兄弟及子孫俱以次承廕凡恭遇

恩詔兵部題明行文各該管官轉行應廕官員取具承廕之人年齒姓名文冊并親供印結一樣

二套送部其有不能以次承廕者將情由聲  
明報部亦准承廕但不得將例載不應承廕  
之人請廕

詔後所生之子孫不准承廕若本官遇

詔曾經送子入監讀書後經陞任又遇

恩詔欲改爲廕生者如未出仕監生仍准改爲廕生  
其先送監生原缺聽本官另送別子至本官  
遇

恩詔廕子後因本身緣事革職其所廕之子未出仕

者停止已出仕者不必停止若猶稍剩微末  
職銜并有世職者先經所廢廕生不必停止  
若廕生監生未仕而故及患病殘廢者仍令  
補廕若補廕之後又故及患病殘廢者不准  
再補若既經准廕後得官職及中科目者俱  
不准補廕

詔後所生之子孫亦不准補廕至革職官後經還原  
職者仍准還廕其革職後另行起用之官不  
論文武銜缺如起用時品秩相當及在原品

以上者俱准還廕如革職官後經開復例止  
降級調用者亦准還廕凡還廕時如原廕有  
人別無事故仍給還原廕之人外如退廕之  
人殘廢病故或別經出仕中式者准其將

詔前所生之子孫復還原廕

詔後所生之子孫亦不准還廕其承繼之子孫分別  
詔前

詔後准廕不准廕之處亦與所生之子孫同凡廕生  
監生必開明事故呈送到部若送廕之人有



從前緣事例應永不敘用者不准廕監其叛  
逆牽連革職之員及雖係族中子弟隸於民  
籍併撫養民間之子弟不准廕監年老有病  
原品解任食全俸官員仍照伊原品准其廕  
監其子爵子廕照三品例改補旗員者作爲  
七品監生男爵子廕照四品例改補旗員者  
作爲八品監生該員等所得廕生監生十五  
歲以上者送國子監讀書二十歲以上者咨  
送吏部照例辦理有情願具呈在武職上行

走者照伊所得品級廕生隨旗行走至改補  
旗員隨旗行走之廕監生如果行走好者遇  
有應陞缺出與應用人員一體揀選補放遊  
牧地方廕生有情願就武職者各照品級食  
俸其外省大臣官員廕生監生內有情願在  
家讀書者報明兵部註冊年終彙題凡補廕  
時俱照承廕之例該部題明給與

一革職人員本身並無剩有微職續經陣亡照  
有職人員議給世職者毋庸還廕

一革職人員續經起用而銜缺小於原官其應  
廢之人先行咨部註冊不准引

見俟陞擢與原官相等及在原官以上者再行辦理

各處駐防廢生准其在本處行走

一各處駐防廢生除情願來京隨旗行走外其有願在本處當差者准其在本處隨旗行走仍令該管各官照所屬官員例一體管轄稽察

欽定中樞政考目錄卷之五

八旗

改武

國子監蒙古教習陞用

善撲營教習年滿陞用

虎槍處筆帖式陞用

嚮導處筆帖式陞用

烏里雅蘇臺等處年滿主事改用防禦

駐防隨關防委署筆帖式揀選驍騎校

呼倫貝爾等處總管衙門筆帖式期滿陞用  
熱河理刑主事理刑筆帖式改武

盛京等處改武等官陞補驍騎校

盛京禮部讀贊等官改武

黑龍江屯莊官陞補驍騎校

綏遠城教習年滿陞用

國子監蒙古教習歷用

一國子監八旗蒙古教習五年期滿如列一等  
記名者遇有本佐領下驍騎校護軍校缺出  
與該佐領下人等通行揀選堪擬正者擬正  
堪擬陪者虞陪如不能至正陪之分卽於擬  
陪人員後列名一併帶領引

見

善撲營教習年滿陞用

一善撲營教習五年期滿所教人等有列頭等  
二等者帶領引

見以本旗護軍校驍騎校坐補其善撲教習內有漢  
軍馬兵挑補者所教人等有列頭等二等者  
將該教習交與巡捕營以把總補用



虎槍處筆帖式陞用

一虎槍處印房筆帖式三年期滿情願考試者  
聽其考試補用部院衙門筆帖式外如不願  
考試者再行走三年如果効力奮勉材堪錄  
用者該虎槍統領保奏以本旗護軍校驍騎  
校補用

嚮導處筆帖式陞用

一嚮導處印房筆帖式三年期滿情願考試者聽其考試補用部院衙門筆帖式外如不願考試者再行走三年如果効力奮勉弓馬騎射可觀者嚮導處大臣帶領引

見以護軍校驍騎校補用如補驍騎校時仍兼該處行走

烏里雅蘇臺等處年滿主事改用防禦

一緩遠城派往烏里雅蘇臺科布多等處駐班人員已得主事品級年滿後經該將軍大臣奏請仍回本處以武職改補者俟有本翼防禦缺出由該將軍將該員擬正另揀擬陪送部轉咨該旗帶領引

見補放

駐防隨關防委署筆帖式揀選驍騎校

一古北口防守尉衙門設隨關防筆帖式一缺  
於該處領催馬甲內考選能繕寫辦事者一  
人報部給與九品空銜頂帶仍食原錢糧內  
由馬甲委署者遇有該二旗領催缺出准其  
坐補自作爲筆帖式之日起三年期滿該二  
旗驍騎校缺出准其與應陞驍騎校之人一  
體揀選保送其由領催作爲筆帖式者無論  
年分卽與應陞之人一體揀選

一獨石口防守尉衙門設隨關防筆帖式二缺  
在本處貼寫行走之馬甲內揀選報部保定  
府城守尉衙門設委署筆帖式一缺滄州城  
守尉衙門設委署筆帖式一缺在於本處領  
催馬甲內揀選報部永平府防守尉衙門設  
委署筆帖式一缺玉田縣防守尉衙門設委  
署筆帖式一缺三河縣防守尉衙門設委署  
筆帖式一缺冷口防守尉衙門設委署筆帖  
式二缺喜峯口防守尉衙門設委署筆帖式

三缺羅文峪防守尉衙門設委署筆帖式二  
缺於山海關永平府玉田縣三河縣順義縣  
冷口喜峯口羅文峪等八處貼寫行走之前  
鋒領催馬甲內通行考選報部俱給與空銜  
頂帶仍食原錢糧內由馬甲委署者六年期  
滿准其與前鋒領催等以應陞驍騎校之缺  
一體揀選保送其由前鋒領催委署者毋論  
年分卽與應陞之人一體揀選

呼倫貝爾等處總管衙門筆帖式期滿陞用  
呼倫貝爾索倫巴爾虎額魯特總管五員每  
員給以無品級筆帖式一人於該處副都統  
品級之總管衙門貼寫行走人等內擇其當  
差勤人材好能繕寫者五人指名咨送吏部  
補放給與頂帶令其隨關防當差行走如果  
行走勤勉五年期滿遇有本旗驍騎校缺出  
准其與領催等一體揀選陞用

熱河理刑主事理刑筆帖式改武

一熱河都統衙門理刑筆帖式二員如果通曉  
例案辦事勤慎遇派往之部院司員期滿缺  
出該都統保奏給予主事職銜辦理司員事  
務五年期滿聽吏部照例補用如無力駐京  
情願改補武職者遇有本翼防禦缺出由該  
都統將該員擬正另行揀選一員擬陪送部  
轉咨該旗帶領引

見補放至該員等行走平等不堪陞用文職并不能



遷移來京情願守候本處武職者四年期滿  
該都統出具考語咨送兵部帶領引

見准其記名後照各省駐防筆帖式改武之例分別  
補用

盛京等處改武等官陞補驍騎校

一

盛京等處倉官臺站官吉林助教四年俸滿黑龍  
江教習三年俸滿

盛京五部及將軍衙門並各省駐防平等行走之  
筆帖式六年俸滿其通曉清漢文義者該將  
軍等保題聽吏部分別補用外其不通曉清  
漢文義并不能遷移來京情願守候本處武  
職者該將軍等出具考語咨送兵部帶領引

見准其記名後遇有本處本翼驍騎校缺出候領催  
等用過三缺之後補用一員隨時咨報部旗  
仍於歲底彙報部旗由該旗轉咨值年旗彙  
奏至筆帖式由兵丁考取後仍與該處官兵  
一體練習騎射如果行走奮勉辦事勤慎弓  
馬嫻熟者三年俸滿遇有應陞驍騎校缺出  
卽與領催等一體揀選照保送驍騎校之例  
送京引

見補放此內有曾經出兵効力者仍令該將軍等照

舊酌量與記名領催一體陞用如辦事平常  
弓馬不堪者於年滿時不准改補武職卽行  
咨部開缺若年滿記名後行走平常卽將記  
名之處咨部註銷

一黑龍江驛站官由有品級筆帖式補授者授  
爲七品無品級筆帖式補授者授爲八品四  
年期滿時令其離任以驍騎校用

盛京禮部讀贊等官改武

盛京禮部讀祝官贊禮郎恩俸已過十年有情愿  
改補武職者出具考語咨送將軍衙門考驗  
騎射給咨送部引

見遇有本旗防禦缺出俟驍騎校用過三缺後將此  
項改武人員補用一缺

黑龍江屯莊官陞補驍騎校

一齊齊哈爾黑龍江墨爾根城呼蘭四處地方  
管屯莊官內四年期滿通曉滿漢文義者該  
將軍保題聽吏部分別補用外其不通曉滿  
漢文義并不能遷移來京情願守候本處武  
職者該將軍出具考語分別題明其行走勤  
能管轄者遇有本處本翼驍騎校缺出與記  
名領催相間補用其尋常供職者俟領催用  
過驍騎校三缺之後將年滿管屯莊官補用

一頁

綏遠城教習年滿陞用

一級遠城設立五學每學設教習四名三年期滿如果教導有成該將軍出具考語咨部存案遇有應陞驍騎校缺出准其一體揀選保送引

見